

नेपाल भाषा नाटकया प्राचीनताः नेपाल भाषा नाटकया प्रवाह !

● जनकलाल वैद्य



नेपाल भाषा साहित्य, संस्कृति व कलाया गौरव फल्लु थिका च्वंगु साहित्यिक विधा प्याखनं नेपाल भाषा साहित्यया इतिहासय् अद्वितीय थाय् तया च्वंगु दु । स्वंगु प्यंगु शताब्दी तक नेपाल भाषा नाटकया परम्परा सुसंस्कृत, सुसंगठित व सुव्यवस्थित रूपं न्ह्यज्याःगु पला ख्वाँय आतले सी दनि । गुगु प्राचीन प्याखं आतले जीवित हे धाःसां जिउनि । प्राचीन प्याखनं भीत जक मखु विश्वया कलामर्मज्ञ एतनं प्रभाव तःगु दु, मोहनि तःगु दु । भौतिक व ज्ञानिक परिवेशय् बलना वःपित नं प्राचीन प्याखं खुली अभिनित जूगु स्वस्व थःपिं नं थःथःगु मिखाय् हःने द्योद्योपिसं मन तयेक प्याखं हुला क्यंगुलि गौरवान्वित थे जुइ मालीगु स्थिती लाकी । अथेतुं, प्रागुगु तःधंगु जात्रा, उत्सव, समारोहबलय् लँय् प्यन्हाका हइगु जात्रा-प्याखनं ला चोका पोका लुइक स्वत्त स्वःगु समस्यां ततःक्यंका तःगु भीगु नः स्थितियात जीवन हे दबू भाःपीकू । प्राचीन नेपालय् जुजु भाजु प्रजा छमाः थे हनाः काव्य मृत त्वना लय्तायेकीगु नं प्राचीन प्याखनं भाला

कुबिया च्वगु खने दु । वैदिक, पौराणिक लौकिक बाखं इतिहास छथी, भाव विह्वल जुइकीगु यइपुगु संगीत छथी, समाजयात कुं खिनातःगु ख्यालि छथी व सूक्ष्म अभिनय कलाया सौन्दर्य छथी न्यनाः खनाः लस्ताये दइगु चाःचूगु खँ मखु ।

कला-शिल्पी, सांस्कृतिक जात्रा-प्याखं, भजन ज्या खँय सक्रिय योगदान बिया वयाच्चंषि नेपाल-वासी छखलः नेपाल धाःसां नेवार धाःसां मुख्य याना खः । किरात व लिच्छवी कालया कला संस्कृतिया सन्दर्भय् प्रशंसित जाति नेपाल नेवार त्वःता मेपि खइ मखु धयागु खँय आपालं सःसिर-पिनि छगू हे राय ।^१ नेपाल भाषां हे च्वया तःगु दकलय् न्हापांगु नाटक-प्याखं-या निश्चित तिथि-मिति धाये मफुसां जात्रा, उत्सव, प्याखं, भजन, अभिनय कलाया भाला कुबियेगु ज्याखँय अद्यापि तक सक्रिय जाति नेवाःत हे खः धका त्याछिये छि । गुगु जात्रा-उत्सव, नखः, भजन, प्याखं व कला शिल्पीया ज्या खँ कित वंश परम्परां कित गुठी परम्परां ताहाकः आयु जुइक म्वाका तयेगु क्षमता

नं ध्वहे जातियाके विद्यमान जुया च्वंगु दु। छुं गुगुं कारणं किरात व लिच्छवी कालया नेपाल भाषाया पूर्ण अभिलेख ग्रन्थ खने मदुसां किरात व लिच्छवी कालय नेपाल भाषाया अस्तित्व तत्तत् कालीन अभिलेखय प्रयुक्त असंस्कृत शब्द दुध्याके मात्ताच्वंगु वाध्यतां प्रमाणित मजुगु मसु। ध्व जातिया कलात्मक अभिव्यक्ति व प्रतिभा नं तत्कालीन मूर्तिकलां व वास्तुकलां पिब्वःथे संगीत व अभिनय कलाया माध्यमं नं ब्वया च्वंगु खयेफु। गुलि प्याखंया माध्यम भाय् मूलत नेपाल भाषा हे मसुसां प्याखं स्यनेत बिया तइगु निर्दर्शन-खं जकसां नेपाल भाषां बिया तइगुलि च्वय्या तर्कयात देवा बिउ। लिच्छवी इलनिसे संस्कारित जुया क्यनेगु याना तःगु हरिसिद्धि प्याखंया संगीत बाजनं नं नेपाल भाषा मेया ध्वनि न्यंकू थे न्यनीपिनि अनुभव जु। 'स्वाक नं वया आ गथे याय' छुना-खं म्नी भाषाय् प्रचलित जुजु वःगु १२ दंय छकः क्यनीगु ध्व हे हरिसिद्धि प्याखनय नागेन्द्र कोदले न्ह्यः थाइगु बाजया ध्वनिया प्रभाव गय मधाये? हरिसिद्धि प्याखं क्यनीपिसं प्याखंया मूल ग्रन्थ प्रचारय सफू रूपं हया बिउगु जुसा ध्व जिज्ञासा याकनं सत्य ज्ञान जु वनेया नाप नाप उगु प्याखंया प्राचीनता व काव्यात्मक विशेष गुणया सहि मुल्याङ्कन जुइगु खइ। आः तक उपलब्ध नेपालया दकसिबै पुर्लांगु वंशावली 'गोपाल राज वंशावली' जुजु श्री चम्पादेवया पालय प्यंगू अङ्क दुगु रामायण

नृत्य (प्याखं) क्यंगु, ने० सं० ४६७ सालय जुजु जयार्जुनया पालय नं बल रामायण प्याखं क्यंगु, जुजु जयस्थिति मल्लया पालय ने० सं० १०३ भैरवानन्द^१ प्याखं दयेकूगु उल्लेख जूगु दु, तर हरिसिद्धि प्याखंया छुं उल्लेख मदु। नेपाल देशया वंशावली^२ धाःसा हरिसिद्धि प्याखं जुजु विक्रमादित्यया पालं दयेकूगु विक्रम संवत् ७४१ तक हुइकूगु, वि० सं० १००३ तक नाटक रूपय प्रचलित जूगु, तःदँ तक लोप जुयालि जुजु अमर मल्ल प्रताप मल्ल, निवास मल्लया पालय हाकनं चल्य याःगु खँ दु।

भैरवानन्द प्याखंया खँय गोपाल राज वंशावलीया धापू कथं ला व प्याखं संस्कृतया मूल नाटक भैरवानन्दयात नेपाल भाषां च्वया तःगु लि हे 'भैरवानन्द नक ग्रन्थ देका' धका च्वयातःगु खये फु। ध्व जोगु हे प्रसङ्ग ने० सं० १३८ स श्री राम भारो नं च्वःगु 'वीर बाहु' प्याखंया खँय नं यल इवाबहिया लुखा फुसय ताना तःगु तामा पत्र 'वीर बाहु' ब्वकृत प्याखं धका उल्लेख याना तःगु दु। भ जु हेमराज शाक्य-लिपि विशेषज्ञ चहे तामा पत्र ल्हयेत अन भाबले 'वीर बाहु' प्याखंया ग्रन्थ नं ल्हये माःसा ल्हया यंकि धका कयंबलय व प्याखं पूणतः नेपाल भाषां हे च्वयातःगु जुया च्वन। तर अभाग्यवश श्री शाक्यजुं व ग्रन्थ ल्हये माःगुया आवश्यकता उथाय महसूस मजुया अथे अनंतु सफू थुवायात बिया थकल खनि। आः व सफू माले माःगु जिज्ञासाया विषय जुल। लुमंके बहगु खँ छु

(A) स ५०३ पौषवदि ११ प्याखन लेतया भैदानन्द, निय प्यन्हुस्यडाव सेलागाकृ दिशीकोन्हु शिल्पिया श्री कोथो

छेस ॥ ध्व ग्रन्थ न्ह्याया डोभानस चोङ्ख सोस्यं नकग्रन्थ देका..... पौ ६२ (क)

(B) प्राचीन नेपाल - पुरातत्व विभागको मुख पत्र संख्या १८ पौ २१

धाःसा भैरवानन्दया संस्कृत ग्रन्थ राष्ट्रिय अभिलेखालय, येँय्दु भैरवानन्द धाःगु माले मानि। 'बीर बाहुया' संस्कृत ग्रन्थ दुर्लभ हे। उकिं आःतक प्राप्य सामग्री ग्रन्थया लिधंसा कया धायेगु खःसा 'बीर बाहु' ने० सं० ५३२ यात दकसिवयु प्राचीन नेपाल भाषा नाटक नालेवं भीगु प्याखं साहित्य १९६६ दँ दत। हरिसिद्धि प्याखंया ग्रन्थ प्रकाशनय वयाः उकी नेपाल भाषा प्रयोग जुया च्वंगु तथ्य न्ह्यलु वल धाःसा भीगु प्याखं साहित्यया इतिहास अम्क ३।४ गू शदीतकया प्राचीन सिद्ध जुइगु खइ। ने० सं० १९११ फागुन कृष्ण दशमि खुन्हु पिदंगु श्री नेपालेश्वर महाराजाधिराज श्री श्री श्री राजेन्द्र विक्रम शाहदेव विरचित 'महासत्त्व' पाख्यान नाटकयात भी नेपाल भाषाया प्राचीन नाटकया लिचो धाये माली। थुकथं भीगु नेपाल भाषा च्वया तःगु प्राचीन नाटकया जक हे ऐतहासिक आयु थ्यं मथ्यं प्यसः दँ मयाक छस्वां न्ह्याना च्वंगु ई भीगु नेपाल भाषा साहित्यया गौरवमय स्वर्णयुग खः। छता खँ, अपायमझि हाकगु समयावधि दुने रचित उपाख्यान नाटकया रचनाकारत श्री राम भारो, श्री सिद्धिनसिंह मल्ल, श्री निवास मल्ल, श्री योग नरेन्द्र मल्ल, श्री जगत प्रकाश मल्ल, सुभति जय जितामित्र मल्ल, श्री भूपतीन्द्र मल्ल, श्री रणजीत मल्ल, श्री जगज्जय मल्ल, श्री जयप्रकाश मल्ल, श्री राजेन्द्र विक्रम शाह पिनि नां जक खने दु। कला मर्मज्ञ नेवा जातिया स्वांथे' कलातुगु नायुगु नस्वा गु भाव स्वां वत्रय छिगु यातुगु न्यने ययापुगु भाय जुया सहृदय कवि हृदयं जाःपि जुजुपिसं थ्व नेपाल भाषायात

राजकीय प्रश्रय बियेया नाप नापं थःथःपिसं नं थ्व भाषां नाट्य शास्त्रया मर्यादित नियमय आसीन जुयाःनं उत्कृष्ट भावाभिव्यञ्जनां ग्यंगु नाटक साधना यासें भीगु नेपाल भाषा साहित्य प्रतिष्ठित याना थकूगु जुया च्वन।

श्री सिद्धिनसिंह मल्लन्सिं श्री योग नरेन्द्र मल्लया श्रेय यल्यु कार्तिक लच्छि यंक हुइकीगु काती प्याखंया स्त्रष्टा व पालक रक्षक रूपय प्रख्यात जू। आपाः याना भागवत पुराणय आधारित उपाख्यान-यात नृत्य अभिनय प्रदर्शनं तत् तत्कालीन समाजय वैष्णव धर्म व भक्ति ग्वाकेगुली आपा प्रभावशाली जूगु खःसां 'नसिंह अवतार' प्याखं व 'यल्यु बाथः' ख्यालः प्याखनं हे जन हृदयस हा कया स्त्रष्टापिनि प्रतिभा नस्वाक ताःगुलिं इमि यश स्वां होगु जुया च्वन। 'यल्यु बाथः' प्याखं ला वेदान्त पौराणिक दार्शनिक गहन विषयया व्याख्या दृष्टान्त सम्बन्धित युग परिवेशया जक मल्लु सर्व कालिक सर्व देशीय जन जीवनय न्हिन्हि जुइगु जूगु घटनाय व मनूतय चाला बालाय बागल्य न्याकाः कयेका हिस्याना संकेत याना तःगुलिं नेपाल भाषाया दकलय न्हापांगु मौलिक प्रहसन धाये छि। काती प्याखंया मेमेगु प्याखं कि त हुइगु (बाजंया तालय आङ्गिक अभिनय जुइगु) नृत्य जक कित भारतया विभिन्न भायु ल्वाक ज्याःगु जक। 'दशावतार' नाटक धाःगु नं थुज्वःगु हे ल्वाकज्याःगु भायया वाचिक व आङ्गिक अभिनय प्रदर्शन जुइगु प्याखं खः। रूपया जुजुं रणजीत मल्लं नं लछि यंक हुइकीगु 'शनैश्वर रोहिणी' प्याखं च्वया तःगु ग्रन्थ राष्ट्रिय अभिलेखालयस दु। योग

नरेन्द्र मल्लयागु 'विक्रमादित्य' नाटक (अपूर्णगु) अप्रकाशित हस्तलिखित अवस्थाय च्वसा पासाया सफू कुथी धलकय खनागु खः । श्री जगत प्रकाश मल्ल - श्री जगच्चन्द्र नामं नं कवि रूपय प्रख्यात - मूल देव शशिदेवोपाख्यान नाटक छपु हे जक नेपाल भाषा विरचित याना तःगु खने दु । श्री जगच्चन्द्र नामं च्वया तःगु 'नेपाल भाषा संगीत'^A (ने० सं० ७६२) अव्ययन याये वहगु हस्तलिखित ग्रन्थ खः । थुकी स्त्रष्टाया कवि व्यक्तित्व, सौहार्द मतिनाया भावाभिव्यक्ति धारा, समकालीन देश काल स्थिति प्रतिक्रिया, संगीतमय भाव प्रवाहयात प्राचीन नाटकया थासाय थाना तःगुलि उल्लेख याये वह जगु खः । श्री सुमति जय जितामित्र मल्लया नाटक रचना (ने० सं० ७६६-८०७) आपाः याना रामायण, महाभारत व पौराणिक बाखंया लिधंसाय दिना च्वंगु खने दु । भाषाय नं मैथिल प्रति उपो च्वसाः । श्री भूपतीन्द्र मल्लया नाटक रचनाय (ने० सं० ८१५-८४३ तकया) न्हयने वहगु विक्रमादित्य जुजुया आदर्श चरित्र व लक्ष्मी उपासना संस्कृति बोध याकीगु 'विक्रम चरित'^B व लोक कथाया लिधंसाय मतिनाया कौतुकतां जाःगु संयोगान्त प्याखं 'श्री खण्ड चरित'^C धाये बा 'मयुर ध्वजोपाख्यान' नाटक खः । कविता व संगीत तथा यथार्थ व कल्पना व्हंका तःगु थुपि निगू सफू न्हयने वह जगु । थ्व प्याखनय छ्यला तःगु भाषा

थौकन्हे रूपय ल्हायेगु याना तःगु भाय नाप सती । नाटकीयताया नाप नाट्य शास्त्र विधान पालना यायेगुली आपालं च्वसाः । श्री रणजीत मल्लया नाटक रचना (ने० सं० ८५८-८८८ तकयागु) अपेक्षाकृत चीहाकः खने दु । शब्द लालित्य, अनुप्राश यमकादि अलङ्कारं छायपिया तःगु संगीतमय अभिव्यक्ति महाभारत व पौराणिक बाखंयात नाटक रूप बिया तःगु खने दु । गुलि नाटकं (गोरक्षोपाख्यान नाटक, प्र० ३६५ वि० ५५ संख्या, राष्ट्रिय अभिलेखालय) योगी संप्रदायया विषय वस्तु ज्वना तःगुलि तत्कालीन समाजय महेन्द्रनाथ, मीननाथ, गोरखनाथ आदि योगी संप्रदायया प्रभावया किचलं दाःगु कयं । जगज्जय मल्लयागु नाटक रचना अभिनव प्रबोध चन्द्रोदय नं उज्वःगु हे विषय वस्तुया प्याखं खः । श्री जयप्रकाश मल्लया निगू नाटक रचना 'मीर ध्वजोपाख्यान' व 'रत्नेश्वर प्रादुर्भाव' स निगूगु हे उत्कृष्ट जु - नाटकीय शास्त्र विधि कथं, मुक्कं संगीतमय कवितात्मक अभिव्यक्ति सौन्दर्य, व कथानकया रोमाञ्चकारी रचना विधानं तथा स्त्रष्टाया थः समकालीन संघर्षशील जीवनय थः वैरी बुका देश व भक्त प्रजाजन संरक्षण यायेगु संकल्पं । श्री बडा महाराज पृथ्वीनारायण शाहं राजनैतिक दृष्टिकोणं नेपालया थः थःया वैरभावं कूदले त्यंगु राज्यत त्याका नेपाल एकीकरण याये धुंकालि नं नेपाल संस्कृति व प्याखंया संरक्षण व

(A) प्र० ३३६ वि० १५९ संख्याया ग्रन्थ राष्ट्रिय अभिलेखालय, येँ ।

(B) प्र० १५५९ संख्याया हस्तलिखित ग्रन्थ, राष्ट्रिय अभिलेखालय, येँ ।

(C) त्यमोहन जोशी व हेमराज शाक्यया सम्पादनय च्वसापासां प्रकाश या गु ।

प्रचलन याकेगु दिव्य उपदेश जुल । अथे हे जुया नेपाल भाषा साहित्यं शाह कालयु सर्वतोमुखी विकास यानावुं च्वंगु खः । प्राचीन नाटक परम्परानं श्री ५ राजेन्द्र विक्रम शाहया नाटक रचना 'महासत्त्व पाख्यान' तक व हे लगन धूने क्वातुक पला छिउगु जुल । महासत्त्वया आदर्श त्याग महात्म्य व नमोबुद्ध प्रादुर्भाव जूगु विषयया नेपालयु प्रचलितगु बाखंयात हे नाटक च्वया तःगुलिं थुकी स्त्रष्टाया नेपालया धर्म व संस्कृति प्रति दुग्यंगु आस्था सक्रिय जूगु न ताये दु ।

प्राचीन नाटक अध्ययन मनन यथेव भीगु प्राचीन नाटकया मूल प्रवृत्ति कवयु बियाथे भू सी दया वये फु —

- (१) प्याखंया आत्मा कौतूहलता खःसा प्याखंया लक्ष्य मनोरञ्जन धका व्वयेगु,
- (२) प्याखं मोतयु चरित्र प्याखनयु जुइगु ज्या खंया माध्यमं प्वलेगु सिबे प्याखं दबुली दुहाँ वयालिसे थःथःगु परिचय व गुण प्याखं मोतयु थीथी कनेगु याका तइगुलिं प्रत्यक्ष चरित्र व्वयेगु,
- (३) नाट्य शास्त्र विधि प्रति आपालं अनुशासित झुकाव,
- (४) अनुकरणात्मक जुयाः नं विशिष्ट नाटकीय रूपरेखा बां लुइकेगु,
- (५) देश वर्णनया माध्यमं देश व स्वजन स्वबन्धु प्रति श्रद्धा व राज वर्णनया माध्यमं जुजु प्रजाया क्वातुगु आत्मीयता जाःगु सम्बन्ध न्ह्यव्वयेगु,

(६) संगीत व कविता, शृंगार, भक्ति व शान्त रस उपाख्यान बाखं व प्याखं नित्तु निलेगु कलाशिल्पी तथा प्रतिभा व्वयेगु,

(७) प्राचीन प्याखं तन्त्र मन्त्र सिद्धि विधि व नासः चुक्या गोपनीयतां तसकं वशीभूत,

(८) प्याखं व्वनेगु विधा मुखकि दबुली प्रदर्शित प्याखं स्वस्व स्वकमितसे प्याखं दबूया दृश्य-घटना जक स्वथा च्वनागु मखु प्याखं मोत प्याखं हूगु जक मखु वास्तविक जीवन व साक्षात द्यो, देवी, जुजु लानि, ख्याः, कवं, दैत्य, राक्षस, आदिनि हे नाप साक्षात्कार जुयाथे झुम्मि यंकेगु,

(९) समकालीन धार्मिक संस्कार, ऐतिहासिक पौराणिक बाखंया सार, सामयिक सामाजिक व्यवहार स्वकमितसे प्याखं दबुली थःथःगु मिखां प्रत्यक्ष खनागु घटित घटना याना जनमानसं म्हुना मवनी कथं व्वयेगु,

(१०) इहलोक परलोक नितांया जीवनया भितुना व्वयेगु,

(११) आदि दैविक दैविक व भौतिक घटना नापं दुध्याका भोलाक घटना प्रस्तुत याना यंकेगु व

(१२) भाव पूर्ण कलात्मक सिर्जना रूपयु मे बाजंया ताल सुरयु प्रदर्शित याना स्वकमितयु गुगलय तादात्म्य भाव ग्वाकेगु लस्तायेकेगु ।

नेपालया प्याखं विधाया ताहाकःगु गौरव पूर्ण इतिहास दुगु थ्व नेपाल भाषाया प्राचीन प्याखं उकृष्टगु लयया सफू रूपयु प्रकाशन यायेगु व

प्याखं रूपय् प्रदर्शन यायेगु ज्या खंय् न्ह्यचिलेगु सत्यमोहन जेशी व श्री हेमराज शाक्यया सम्पा-
 अतिकं बाब्बनीय जक मखु लिपा लाये धुंकल। दक्त्व व च्वसा पासाया प्रकाशन ज्या धात्थे'
 प्राचीन प्याखं सफू 'रत्नेश्वर प्रादुर्भाव' व 'महासत्व प्रशंसनीय ख'। श्वज्वःगु ज्याय् प्रज्ञा प्रतिष्ठान,
 पारुयान' (महासत्वया छु' अंश प्याखं कयनेगु च्वसापासा, सांस्कृतिक संस्थान, नेपाल एशियाली
 ज्याय् नं) च्वसा पासाया व श्री मानदास तुलाधर अध्ययन संस्थान त्रिभुवन विश्व विद्यालय नं पलाः
 तथा 'विक्रम चरित' प्याखं सफू पिकायेगुली श्री छीगु अत्यन्त जरूरी। २०३०।८।२८



भी जुजु श्री ५ वीरेन्द्र वीर विक्रम शाहदेवया

नीगुदँ बुन्हिया लसताय्

वसपोलया ताआयु व सुस्वास्थ्यया निम्ति

नुगलंसिं भिन्तुना देछाया।

हिमाल आइरन एण्ड स्टील (प्रा०) लि०

ज्योति भवन, कान्तिपथ

काठमाडौं।

झिस्वंगूगु शताब्दीया निम्ह कलाकार :

नन्दपाल व अरनिको



• सत्यमोहन जोशी

नेपाया कलाया इतिहासय् नेपाया कलाकार-तय्गु नां ल्वीके आपालं थाकु। संयोगंजक गनं छथाय् निथाय् थुजोपि कलाकारतय्गु नां लुयावो। थथे जूगुलि नेपाया कलाया क्षेत्रे आपलं उत्कृष्टगु कलाकृति खनेदःसां, व कलाकृति गुह्य कलाकारं दयेकूगु खः सीके मफु, गुलिसम्म धालधाःसा व कलाकृति फलानाह जुजुया पालय् दयेकूगु अथवा फलानाह दातां तःगु खः धयागुसम्म सीके फु। थथे नेपाया कलाया इतिहासे कलाकारतय्गु नां सुला-च्चनीगु अथवा सीमदैगु अथवा व्वया मतैगु अतिकं दुःखया खं खः, अले थुमिगु नां लुयावइगु ल्वीके फइगु अवश्य नं भीत छगू लयता खं खः।

आ थ्वहे सन्दर्भ, झिस्वंगूगु शताब्दीस भीसं नां सीकेफूपि निह्य कलाकारतय्गु छुं बुखं थन उले। थुपि निम्हेसियागु नां व ज्याखं नेपाया कलायागु (विशेषयाना मूर्तिकला व वास्तुकला)

इतिहासे विशेष गुण तना आपलं जः व्हला व्यूगु दु। थुपि निह्य कलाकारत खः (१) नन्दपाल (२) अरनिको।

पशुपतिस ग्वलया जयवागीश्वरी लिक्तुं च्वंगु छगू ख्यले धस्वाकातःगु महागौरीयागु छगू ल्वहँ मूर्ति दु। थ्व ल्वहँ मूर्तिया त्वाकले कियातःगु अभिलेखे (अन्तिम श्लोके थथे च्वयातःगु जुल— “स्थापिता श्री महागौरी भोगामोक्ष समीहया, निर्मिता नन्दपालेन शिल्पिना शुभ जन्मना) मूर्तिकार नन्दपालयागु नां दु। थ्व अभिलेखयागु सम्पूर्ण खँ इतिहास संशोधन मण्डलं अभिलेख संप्रह निगूगु भागे पिकया व्यूगु जुल। ल्वहँ मूर्तिकलायागु अनुसन्धान यायेत थ्व अभिलेखं छगू न्हूगु जः कयना छगू न्हूगु लँ हे नं ल्वीका व्यूगु जुल।

महागौरीयागु थ्व मूर्ति कूछि व कबलाछि ति ताहाक, थुकियागु उन माययागु वनथे। थ्व मूर्ति

अतिकं बांला, अतिकं भावपूर्णं नं ।

ध्व मूर्तियागु विशेष पृष्ठभूमि सीकेत, श्री मनवञ्ज वज्राचार्यजुयागु ध्व खँ थन व्वयेबहजू— “नेपाया मूर्तिकलाया ऐतिहासिक परम्परायात ध्याने तथा विचा यायेवले ध्व खँ स्पष्ट जू वो कि फिन्स्वंगूगु शताब्दीया अन्तरालस छगू न्हूगु शैली नेपाया मूर्तिकलाया परम्पराय् खनेदत । ध्व न्हूगु शैली दुने लिच्छविकालया मूर्तिस खनेदुगु साधापन व सूक्ष्मकथं क्रियातःगु कतांयागु छापं व मध्य मल्लकालस ध्यंका थंगु विशिष्टास साकार जूगु नेपाया मूर्तिकलाया जटिलता नं छुं अंशे थाय कागु दु । अथे नं, परम्पराया शास्त्रीय तालस गुगु परिवर्तन जूगु मदु । अके ध्व शैलीया आधारे दयेकातःगु मूर्ति आपालं याना धैथे फुककं छगुति छगू बांलाकथं दयेकातःगु दु उदाहरणया निम्ति फीसं ग्वलया गौरीमूर्ति, पशुपतिदेगःया मूढा पिनेया खःपाखे लँयासिथे च्वंपि गणेशो, ससमाजु, भगवती आदिया भव्य मूर्ति, अनंलि येँ, ख्वप व यल स्वंगू देस वखेथुखे खनेदया च्वंगु ध्व शैलीया मूर्ति स्वये बहजू । प्रामाणिक इतिहासया दृष्टिकोणं ध्व फुक मूर्ति मध्ये ग्वलया गौरीया मूर्ति विशेष महत्वपूर्ण जुल । ध्व मूर्ति निहाल गुणकामदेवया ईले १२५३ वि० सं० स० स्थापना जूगु खः । ध्व मूर्ति दयेकूङ्ग कलाकार नन्दपालया नां स्पष्टरूपं उल्लेख जुयाच्चंगु दु ।” (गो० प० २०१८, आश्विन २६, फिन्स्वंगूगु शताब्दीया छह कलाकार) ।


वि सं १२५३ (नेपाल सम्वतं विक्रम सम्वत दयेकातःगु) या बराबरी ईस्वी सन् ११६७ जू वः । अले ११६७ ईस्वी सन फिन्निगूगु शताब्दीया अन्तिम ई जूगुलि तथा मूर्तिकार नन्दपाल ध्व ईयां लिपानं

म्हानाहे च्वंगु दु ज्वी धैगुकथं वयागु ईव्योयात ईस्वी सनयागु ल्याचाकथं फिन्स्वंगूगु शताब्दीस तयेफु । थथे जूगुलि, विक्रम सम्वत व ईस्वी सन निगुकथं नं नन्दपाल फिन्स्वंगूगु शताब्दीया कलाकार खः धैगु जू वः ।

अभिलेखे च्वंगु पूर्ण विवरणकथं विचा यायेवले, विजयपालया म्हायमयजु अमृतश्रीयागु दिवंगत आत्मायात सान्त्वना बीगुया निमित्तिनं मूर्तिकार नन्दपालजुं महागौरीयागु व अतिकं भावपूर्णगु तथा उत्कृष्ट कलाकारितां जागु मूर्ति दयेकूगु जुल ।

श्री वज्राचार्यजुया धापू कथं “न्हूगु पह्या शैली” धागु जक वास्तवे पालसेन कलाया प्रभाव लागु शैलीला धैथे खने दु । छाय धासानि, भारत-वर्षे फिन्स्वंगूगु शताब्दीया प्रारम्भकाले मुसमातेगु आक्रमणं आयेसभ्यताय् तथंगु प्रहार जूसेलि थुकि-यागु फलस्वरूप पालवंशी व सेनवंशी जुजुपिनिगु पाले बङ्गाल व विहारे कला एवं संस्कृतिया केन्द्रस्थान जूगु पाल व सेन कलाया परम्परा, विक्रमशैली व नालान्दा आदि बौद्ध केन्द्र नष्ट भ्रष्ट जू वन । अले उगु बखते विहार व बङ्गालया धर्म कला व संस्कृतिया संरक्षक जूपिन्सं थःगु धर्म कला व संस्कृतिया सुरक्षा यायेत भारतं नेपाले आश्रय का बल । थुकिं नेपायागु साहित्य व कलाया क्षेत्रे नं न्हूगु जः तनाव्यूगु जुल । अथे नं, कलाकार नन्दपालजुं महागौरीयागु व मूर्तिस नेपाली भावना जायेका नेपाली कला शैलीयात वल्लंकातःगु बांलाक खने दु, नेपाली कला परम्परा व पद्धतियात तोतूगु खनेमदु ।

मूर्तिकार नन्दपालयागु मेमेगु कलाकृति मल्ती । अथेसां, वं दयेकूगु ‘महागौरी’ यागु मूर्तिः



ચીનયા રાજધાની પેકિંગ્ કલાકાર અરનિકોયા કુલિ

स्वयेबडे याउँकहे अनुमान यायेगु थाय दु कि निश्चय नं वं मेमेगु बांवांलागु मूर्ति नं अवश्य नं दयेकल ङ्गी धैगु । छायधासांनि महागौरीयागु मूर्तिस मूर्तिकार नन्दपालजुयागु सुन्दर व उत्कृष्ट कलाकारिता व भावाभिव्यक्ति गुगु ल्येँ ल्येँ पुयाच्चंगु स्वः, व वयागु आपालं दँयागु परिश्रम, लगन व अनुभव-यागु फल स्वः ।

उत्खे कलाकार अरनिकोयागु खास उल्लेख नेपायागु वंशावली, अभिलेख व कलाकृतिस खने मदुसां चीनया वंशावलीस ततःधंपिं मनूतेगु जीवनी दुध्याकेगु क्रमय वयागु जीवनी नं दुध्याका तःगु जुल । वयागु खास नां 'अरनिको' अथवा 'परा-बाबु' छु स्वः थुगुहे स्वः धका यकीन याये थाकुसां थौं व कलाकारयागु नां अरनिको धायेगु हे भिताया । छाय धासांनि नेपाया राष्ट्रिय विभूतिया झोल्यु नं वयात कलाकार अरनिको हे धाये धुंकूगु दु तथा २०२१ या न्हूदँस प्याहाँ वोगु १५ गः वंगु हुलाक टिकटेनं वयात अरनिको हे धाये धुंकूगु दु तथा वयागु नामं हे कोदारी राजमार्गयात अरनिको राजमार्ग धका नां छी धुंकूगु दु । आला अन्तरराष्ट्रिय क्षेत्रेहे नं वयागु नां अरनिको धका प्रख्यान्ति ङ्गी धुंकूगु दु ।

कलाकार अरनिकोयागु जीवनी पेकिङ्गया क्रान्तिकारी ऐतिहासिक सप्रहालयस वयातःगु दु अले हानं नानकिङ्गया बौद्ध प्रकाशन गृहं वयागु जीवनी दुगु तथा कल कृतिया सचित्र विवरण दुगु काउस्याङ न्याङतोचीन नांगु सफू नं प्याहाँ वया वंगु दु । थव अमृत्यगु सफू २०१६ साले चिनियाँ बौद्ध संघया निमन्त्रणाय् चीनयागु सद्भावना यात्राय् चीने वंगु धर्मोदय सभाया

बौद्ध प्रतिनिधि मण्डलयात लःल्हना हःगुजुल ।

बास्तुकला शिल्पकला व चित्रवलास वलाकार अरनिकोयागुगु बहुमुखी प्रतिभा व सीप दुगु स्वः उकियात चिनियाँ कला विवेचकतेसं दक-भनं अतिकं प्रशंसा यानातःगु दु । वं चैत्य, धातु-मूर्ति तथा रेशमी कापते रफू तथा किपा दयेकूगु विवरण नं दु ।

उगु बखतया चिनियाँ बादशाह कुबल इ-खाँया धर्मगुरू संदेया पाहस्यां (फाग्यां) संदेशे शाक्य-पा विहारे छगू भव्यगु सुवर्ण चैत्य दयेकेत नेपालं १०० ह्य नांजांपिं कलाकारत अनुरोध यागुली कलाकार अरनिको ८० ह्य कलाकारया पुचले नायो जुया न्हापां संदेशे वंगु जुल तथा अन वं सुवर्ण चैत्य व मेमेगु नेपाली कला शैली जागु कला कृति दयेकूगु जुल । थथे संदेशे दयेकूगु सुवर्ण चैत्ययागु अनुपम सौन्दर्ययागु बयान चीने थ्यसेंलि बादशाह कुबलाइखांनं नेपाया कलाकार अरनिकोयात चीने नं वये माल धका वंगुजुल । अले पाहस्यालिसे कलाकार अरनिको चीने थ्यंक वन ।

चिनियाँ बौद्ध संघया उल्लेख कथं नेपाया कलाकार अरनिको नं पेकिङ्ग मिडमिङ्ग विहारे छगः अनुपम श्वेत चैत्य दयेकूगु जुल । थव श्वेत चैत्यया निर्माण काल यात १२७१ ई० धका मान्यता बियातःगु दु । अले २०२९ सालस प्याहाँवोगु कलाकार अरनिकोयागु हुलाक टिकट या भूमिकास (फोल्डरे दुने विवरण कथं बियातःगु) कलाकार अरनिको जन्म १२४४ ई० व मृत्यु समय १३०६ ई० माच ११ धका बियातःगु दु । थुकथं विचायायेबले उगु बखते नेपा देशे

जुजु अभयमल्ल (१२१६-१२५५ ई०) जयदेव (१२५५-१२५८ ई०) तथा जय भीम देव १२६० ई० यागु शासन खनेदु । तथा कलाकार अरनिको चीने थ्यंबले तथा अन च्वंबले नेपा देशे अभय मल्लया वंशजत जय सिंह मल्ल १२७१ ई०, अनन्तमल्ल १२७६ ई० पिनिगु शासन खने दु ।

खला चीन देशे कलाकार अरनिकों नेपाया कला परम्परा कथं आपलं ततःधंगु व चिचीधंगु कलाकृति नं दयेकल ज्वी । श्री ह्वाङ सेन-च्याङया घापू कथं - “युयान वंशया निगू राजधानी साङ्तु (थौकन्हेया तोलून) व तातु (थौकन्हेया पेकिङ्ग) या देगलं दुनेच्वंगु बौद्ध मूर्ति आपलं धैथे कलाकार अरनिकों हे दयेकूगु खः धैगु विश्वास दु ।” (पिपुल्स चाइना, नेपाल एण्ड चाइना, मे १९५६) । तर आपालं प्राकृतिक प्रकोप व राजनैतिक उथल पुथलं याना, कलाकार अरनिकोयागु कलाकृति खेला थुखेला जुया नष्टभ्रष्ट नं ज्वी धुकल अथवा खंडहरे लाना नं च्वने धुकल । अथे नं वयागु अमर कीर्ति स्वरूप लयनाच्वंगु विशालगु ‘श्वेत चैत्य’ छगः धाःसा पेकिङ्गया मिडमिङ विहारे थौं तकनं बिद्यमान हे जुयाच्वंगु दनि । थव भी सकल नेपामि व भी जःला खःला चिनियामितेत अतिकं गौरवया खँ खः ।

थव श्वेत चैत्य दुगु मिडमिङ विहारे नेपाल शैली कथं बुट्टादुगु सियागु मूलखा दु अले थव लिसे ल्वहँया त्वाथः नं खानाच्वंगु दु । अनंलि, नेपाया कलामूर्ति जागु विहारया मूलखा न्ह्योने चकंगु चपा दु । थनहे भीसं खनाच्वनी दध्वीलाक नेपाया

शैली लसिवोपि बांबालापि स्वह्म बुट्टया मूर्ति— (१) दीपङ्कर (२) शाक्यमुनि (३) मैत्रेय । थ्वहे विहारे हानं भीसं खनाच्वनी मेष सम्वर, महाकाळ, हरिततारा, श्वेततारा, अवलोकितेश्वर, चन्द्रमाहा-रोषण आदिया कपा । हानं थनहे भीसं खनाच्वनी वज्रघण्टा, तिकिम्या, खुकुंलागु ज्वलान्हायक आदि आदि नेपाली कला शैलीया वस्तु थाय्थासे च्वयातःगु, तथा नेपाया रञ्जना लिपिस “ओममणि-पद्मेहुँ” च्वयातःगु मन्त्राक्षर नं । अले थ्वहे विहार लिउनेपाखे विशाल एवं भव्यगु ‘श्वेत चैत्य’ दनाच्वंगु । थव श्वेत चैत्य नेपाया मण्डप शैलीस प्यत पःखा तला जाया उकी मध्य भागे छुं भति चीत्या जुया हानं च्वेपाखे तःत्याकथं गोलागु वृत्तशैली अले हानं उकी प्यकुंलागु सतह जुया त्रयादेश भुवनयागु च्वका लुयाच्वंगु छत्रयुक्त गोलागु वृत्त व कलश आकारंगु लुँया गजू, अले हानं छत्रया प्यखेरसं चिचीगोगु गँचा तथा चैत्यया च्वेयागु भागे रञ्जना कूटाक्षरनं ।

थव श्वेत चैत्य चाहूले खंहा न्ह्यामं व्यक्तियात नं (चाहे व नेपामि ज्वीमा अथवा चिनियामि हे) थनयागु प्रत्येक कलाकृति कलाकार अरनिकोयागु कलाकारिता प्रस्तुत याना नेपा व चीनया दध्वी सलंसः दँ न्हापांनिसे दयावयाच्वंगु पुलांगु घनिष्ठतम सम्बन्ध व सौहार्द्रपूर्ण मित्रतायागु प्रसङ्ग स्वाकाव्यू ।

नेपाया कलाया इतिहासे आपालं याना जुजुपिनिगु व दातापिनिगु जक नां खनेदु, कलायात थःगु भावना नाप साकार यायेत हिचःति हायेका, ल्हाहायागु सीप क्यना ‘सत्यं, शिवं व सुन्दरम्’ सृजना याइपि कलाकारतेगु नां खने हे मदु धासां

न्यू । अके' भित्स्वंगू गु शताब्दीस थथे नेपाया चन्नति व विकास सीकेत श्वीकेत, थुजोपि हे नेपाया
 कलाया इतिहास हे भूक्तः धायेक भीगु न्होने खने मेमेपि कलाकारतेगु नां ल्वीके मागु दु, श्व भीगु
 दयेकः वोपि कलाकार नन्दपाल व कलाकार अनुसन्धान व अन्वेषणया ऋगू प्रमुख विषय वस्तुहे
 अरनिकोपि धन्य धन्य खः । भीसं नेपायागु कलाया यायेमागु जुल । •

श्री ५ महाराजाधिराज वीरेन्द्र वीर विक्रम शाहदेवया

नीगुदँ बुन्हिया लसताय्

वसपोलया सुख, समृद्धि व ताआयुया निनि

हार्दिक भिन्तुना देछाया ।

साल्ट ट्रेडिंग करपोरेशन लि०,

खाद्य उद्योग (प्रा०) लि०

परिवार